



Randi Vestergaard Evaldsen
Demokratit sinnerlugit Inatsisartunut ilaasortaq

01-08-2018
Suliap normua
2018-15173
All. nr. 8366911

§ 37 nr. 164_2018 naapertorlugu apequtigineqartunut akissutit

Postboks 1160
Oqarasuaat: 34 50 00
Fax: 34 55 05
3900 Nuuk
Email: pin@nanog.gl
www.naalakkersuisut.gl

Apequtinnut qujanaq.

- 1. Martsimi 2017-imiit medicinsk cannabis katsorsaanermut atorneqarsinnaalernerata kingorna taanna atorlugu napparsimasut qassit katsorsartinnikuuppat,**

Akissut:

Kalaallit Nunaanni Peqqinnissaqarfimmi nakorsaat cannabis napparsimasunut qulinut katsorsaatitut atorneqarsimavoq.

- 2. Naalakkersuisut peqqinnissaqarfiullu medicinsk cannabisimut tunngatillugu misilittakkat suut maannamut atorsinnaasorivaat?**

Akissut:

Napparsimasut qulit nakorsaat cannabis atorlugu katsorsarneqarsimasut tunngavigalugit assigiinngiiaartunik misilittagaqartoqartoq paasinarsivoq. Napparsimasut ilaannut pitsaasumik sunniuteqartarsimavoq, napparsimasut ilaat katsorsartikkumasarsimanatik saniatigut iluaalliutigisarsimagamikku imaluunniit katsorsaanerup nalorninartumik sunniuteqartarsimaneranik pissuteqartumik.

- 3. Naalakkersuisut takorloorsinnaavaat, imaluunniit periarfissatut isiginerlugu medicinsk cannabisip innuttaasunut sakkukinnermik napparsimasunut aamma atuutsinneqarsinnaanissaa, anniaatinik millisaanissamik siunertaqartumik?**

Akissut:

Maannakuugallartoq nakorsaatitut atugassanngortinneqartarnissaanut tunngavissat qasukkarnissaannut cannabis nakorsaasiullugu katsorsaanikkut sunniutaasartut naammattumik uppersarneqarsinnaanngillat. Tamannali allanngorsinnaavoq nakorsaat cannabisip sunniutigisartagai qaquguussagaluarnersoq tutsuiginartumik uppersarneqarsinnaalissagaluarpata.

4. Naalakkersuisut pilersaaruteqarnerlutik cannabissimik akuutillit tuniniagaalersinneqarnissaanik periarfissiisoqarsinnaanissaa (assersuutigalugu uulia cannabisimiit CBD-mik cannabioiden-imit kisimik akullit) Ullumikkut assersuutigalugu Danmarkimi akuerisaanikunik? Akissut tunngavilersorluaqquneqarpoq.

Akissut:

Nakorsaat cannabisimi sananeqaatit pissutigalugit taanna ullumikkut nakorsaatit nakorsanit atugassanngortinneqartartussatut - taamaammallu akeqanngitsutut - isigineqarpoq taamaammallu tamatumunnga peqatigitillugu pisiniarfinni pisarineqarsinnaanani.

Maannakkuugallartoq nakorsaat cannabisip sunniutigisartagaanut nalorninaatsumik uppersaataasinnaasunik ilisimatusarnikkut paasisaartoqarsimanngilaq, kisiannilu Peqqissutsimut Ilisimatusarnermullu Naalakkersuisoqarfik Peqqinnissaqarfilla ilaatigut Sundhedsstyrelsimut Rigshospitalimillu peqqissaanermik sulianut tunngatillugu ineriartornermik kaammattuutinullu ingerlaavartumik malinnaapput.

5. Naalakkersuisut allanik soqutiginarlutik paasisutissiissutissaqarnerlutik uunga sammisamat tunngatillugu?

Naggasiullugu erseqqissarneqassaaq Kalaallit Nunaanni Peqqinnissaqarfik nakorsaatit nutaat katsorsaariaatsillu pillugit Sundhedsstyrelsimut Rigshospitalimillu kaammattuutinik isumalluuteqarmat. Tamanna allaanerunngilaq nakorsaat cannabisip atugaanissaa eqqarsaatigalugu, tassami Rigshospitalip nakorsaat cannabis anniarunnaarsaalluni katsorsaanermut napparsimasunullu perulunnartumik kræftimik nappaatilinnut katsorsaanerit allat sunniuteqarfiginngisaannut qaqutiguinnaq atortarmagu.

Naggataatigut ilisimatitsissutigineqarsinnaavoq Naalakkersuisut Nunatsinni Peqqinnissaqarfilla Danmarkimi ukiuni sisamani misiliutitut 1. Januar 2018-miit 31. December 2021 tungaanut ingerlasussaq napparsimasunut cannabis nakorsaatit ineriartornera malinnaavigaat. Misileraanermi inernerit kiisalu Sundhedsstyrelsemiit Rigshospitalimiillu innersuussutit Kalaallit Nunaanni nakorsaatit cannabis tunngaviusumik tunniunneqartarnera allanngortinnissaanut sunniuteqarsinnaavoq.

Inussiarnersumik inuulluaqqusilluta



Doris J. Jensen

Peqqissutsimut Ilisimatusarnermullu Naalakkersuisoq